

三
國
志
注
補

三國志注補卷二

仁和趙一清譔

魏書二

文帝紀第二

中平四年冬生於譙

寰宇記卷十二 魏文帝祠在譙縣東五里初太祖以議郎告疾歸鄉里築室於此文帝生於此宅

注獻帝起居注曰建安十五年爲司徒趙溫所辟太祖表溫辟臣子弟選舉故不以實使侍中守光祿勳都慮持節奉策免溫

官

後漢書獻帝紀建安十三年春正月司徒趙溫免五疑當作

三

注袁宏漢紀載漢帝詔曰

隋書經籍志後漢紀三十卷袁彥伯譔

注豈得修諒闇之禮究曾聞之志哉

晉書禮志魏氏革命以既葬爲節合於古典然不垂心諒闇
同識前代

改建安二十五年爲延康元年

後漢書獻帝紀建安二十五年二月丁未朔日有食之三月
改元延康御覽卷十一引魏略五行志延康元年大霖雨五
十餘日魏有天下乃霽將受魏祚之應也

壬戌以大中大夫賈翊爲太尉

漢書百官公卿表大夫秩比千石引漢官曰二十人秩比二千石

置散騎常侍侍郎各四人

宋書百官志散騎常侍四人掌侍左右秦置散騎又置中常侍散騎並乘輿車後中常侍得入禁中皆無員漢東京初省散騎而中常侍因用宦者魏文帝黃初二置散騎合於中常侍謂之散騎常侍始以孟達補之久次者爲祭酒秩比二千石散騎侍郎四人魏初與散騎常侍同置魏晉散騎常侍侍郎與侍中黃門侍郎共平尚書奏事

其宦人爲官者不得過諸署令

續百官志黃門令一人六百石黃門署長畫室署長玉堂署

長各一人內署長七人皆四百石宋書百官志曰黃門令魏晉以來四人

三月黃龍見譙

宋書符瑞志延康元年三月黃龍見譙又郡國十三言黃龍見蓋魏以龍見爲受命之符至改譙縣爲龍譙國然以龍與亦以龍亡假託象兆後遂爲妖所謂其氣燄有以取之也龍譙國見水經獲水注

登聞之曰單颺之言其驗茲乎

後漢書方術傳單颺字武宣山陽湖陸人以孤特清苦自立善明天官算術舉孝廉稍遷太史令侍中出爲漢中太守後拜尚書卒於官姜云殷登默記當以此時歿之安知非附會

符命以娶爵賞者乎

注少府謝奐

奐一作渙

夏四月丁巳饒安縣言白雉見

方輿紀要卷十四北直滄州東北七十里有饒安城戰國時齊邑史記趙悼襄王四年龐煖攻齊取饒安漢爲千童縣地屬渤海郡後漢靈帝改置饒安縣於此一清案續郡國志勃海無此縣蓋缺失也宋符瑞志延康元年四月丁巳饒安縣言白雉見又郡國十九言白雉見

注魏書曰王素服率鄆東城門發哀孫盛曰在禮天子哭同姓於宗廟門之外哭於城門失其所也

何云魏末嘗以夏侯爲同姓故與之婚姻盛所議非也

封王子徽爲武德侯

漢書地理志河內郡武德

注宜旦夕入侍曜明其志

何云曜卽昭避晉諱改

是月馮翊山賊鄭甘王熙率眾降

晉書地理志魏文帝改京兆尹爲太守馮翊扶風各除左右

注魏書曰公卿相儀王御華蓋視金鼓之節

宋書禮志作親令金鼓之節

注魏略曰王將出征度支中郎將新平霍性

晉書地理志新平郡漢置續郡國志注引袁山松書曰興平

元年分安定鶉觚右扶風之漆置新平郡方輿紀要卷五十
四建安中置新平郡治漆縣又云興平元年分安定扶風置
新平郡今陝西西安府邠州是也

注幽王不爭

何云幽字宋本作幽

注帝怒遣刺奸就攷竟殺之既而悔之追原不及

何云其言凡近無可采危於累卵言之又過先王不稱爲德犯其所忌性之死非不幸也其得禍尤酷者不將有禪代之事而治兵以備非常又欲飾其迹託之南征性不喻而浮言阻眾不遂不能容忍耳一清案宋百官志刺姦主罪法

注吾前遣使

何云吾字宋本作日

注使還領新城太守

續郡國志注魏氏春秋建安二十四年吳分巫秭歸爲固陵
郡水經泗水注新城郡治房陵故縣宋書州郡志新城太守
故屬漢中魏文帝分立屬荊州

甲午軍次於譙大饗八軍及譙父老百姓於邑東

譙郡魏置水經陰溝水注文帝以延康元年幸譙大饗父老
立壇於故宅壇前樹碑題云大饗之碑寰宇記卷十二大饗
碑鍾繇篆額曹子建文梁鵠書時人稱爲三絕困學紀聞卷
十三舜禹有天下而不與焉魏文喜躍於廟之初大饗於
憂服之中不但以位爲樂而已其慕漢也哆然自以爲舜禹

可以欺天下乎自注云曹植拜先君墓與友人宴於松柏之下爲詩云樂至憂復來又云可不極娛情其末流至於阮籍禮法之亡自魏文兄弟始

注魏書曰設伎樂百戲

宋書樂志魏晉訖江左猶有夏育扛鼎巨象行乳神龜抃舞背負靈岳桂樹白雪畫地成川之樂焉乳字疑禮字之誤

注丙申親祠謙陵

宋書禮志延康元年七月魏文帝幸謙親祠謙陵此漢禮也漢氏諸陵皆有園寢者承秦所爲也說者以爲古前廟後寢以象人君前有朝後有寢也廟以藏主四時祭祀寢有衣冠象生之具以薦新秦始出寢起於墓側漢因弗改陵上稱寢

殿象生之具古寢之意及魏武帝葬高陵有司依漢立陵上祭殿至文帝黃初三年乃詔曰先帝朝履節儉遺詔省約子以述父爲孝臣以繫事爲忠古不墓祭皆設於廟高陵上殿屋皆毀壞車馬還廢衣服藏府以從先帝儉德之志文帝自作終制又曰壽陵無立寢殿造園邑自後陵寢遂絕

八月石邑縣言鳳凰集

漢書地理志常山石邑方輿紀要卷十四石邑城在真定府獲鹿縣西南漢縣後漢省一清案續郡國志無石邑縣此志有之疑是復立宋符瑞志延康元年八月石邑縣言鳳凰集又郡國十三言鳳凰見

冬十一月癸卯令曰

集古錄云魏受禪碑世傳爲梁鵠書而顏真卿又以爲鍾繇
書莫知孰是案漢獻帝紀延康元年十月乙卯皇帝禪位魏
王稱天子魏志是歲十一月葬士卒死亡者猶稱合是月丙
午漢帝使張音奉璽綬庚午王升壇受禪癸酉奉漢帝爲山
陽公而此碑云十月辛未受禪於漢三家之說皆不同今據
裴注備列禪代詔冊書合羣臣奏議甚詳蓋漢實以十月乙
卯策詔魏王奉璽綬而魏王辭讓往返三四而後受也據劉
廙奏問太史令許芝今月十七日己未可治壇場又桓楷等
奏云輒下太史令擇元辰今月二十九日可登壇受命自十
七日己未至二十九日正得辛未以此推之漢魏二紀皆繆
獨此碑爲是漢紀乙卯禪位者書其初命而略其辭讓往返

遂失其實魏志十一月癸卯猶稱令者當是十月衍一字爾
丙午奉皇殺者辭讓往返容有之也惟庚午升壇最繆癸卯
去癸酉三十日不得同爲十一月

注臣以合辭語鎮南將軍張魯魯亦問合知書所出合曰孔子
五版也

姜云張魯能爲鬼道又值合已死故附會以成篡奪之謀

注給事黃門侍郎王毖董遇等

晉書禮志太康元年東平王楙上言祖王昌父毖本居長沙
有妻息漢末使入中國值吳叛仕魏爲黃門侍郎與前妻息
死生隔絕更娶昌母今江表一統昌聞前母久喪言疾求平
議卽此人也

注於是尙書僕射宣告官寮咸使聞知

姜云於是與下文氣不接疑譏

注辛亥太史丞許芝條魏代漢見識緯於魏王曰

宋書符瑞志載許芝奏與注稍異今別錄如左云太史令許芝又上天文祥瑞自建安三年十二月戊辰有新天子氣見於東南到今積二十三年建安十年昴星出庫樓麻犯氐房宿北入天市犯北斗紫微氐爲天子宿宮路寢所止房爲天子明堂政教之首北斗七星主尊輔象近臣紫微者北極最尊此除埽漢家之大異也建安十八年秋歲星入太微人主改姓鎮入太微逆行畱守帝坐百有餘日歲星入太微人主改姓鎮星入太微內有兵亂人主以弱三者漢改姓易代之異也建

安十九年正月白虹貫日易傳曰后妃擅國白

百日建安

二十一年五月朔己亥日蝕建安二十三年三月昴星晨見

東方二十餘日夕出西方犯厤五車東井五諸侯文昌軒轅

太微鋒炎刺帝坐茀者除舊布新亡惡興聖之異也建安二

十四年二月晦壬子日蝕日者陽精月爲侯王而以亥子日

蝕皆以水滅火之異也延康元年九月十日黃昏時月蝕熒惑

遇人定時熒惑出營室宿羽林月爲大臣侯王之象熒惑

火精漢氏之行占曰漢家以兵亡延康元年九月二十日剝

卦天子氣不見皆崩亡之異也熒惑火精行綿日一度有餘

故太史令王昱以爲漢家衰亡之極熒惑大而赤色光不明

赤而小與小星無別皆漢家衰亡之異也易傳曰上下流通

聖賢昌厥應帝德鳳凰翔萬民喜樂無咎殃易傳又曰聖人受命厥應鳳凰下天子虜易傳又曰黃龍見天災將至天子紹聖人出黃龍以戊己日見五色文章皆具聖人得天受命黃龍以戊寅見此帝王受命之符瑞最著明者也易傳又曰聖人清靜行中正賢人至民從命厥應麒麟來春秋玉版讐曰代赤者魏公子春秋佐助期曰漢以許昌失天下故白馬令甘陵李雲上事言許昌氣見當塗高已萌欲使漢家防絕萌芽今漢都許昌日以微弱當居許昌以失天下當塗高者魏也魏者象魏兩闕之名當道而高大也魏當代漢如李雲之言也春秋佐助期又曰漢以蒙孫亡說者以蒙孫直漢二十四帝童蒙惑以弱亡漢帝少時名爲董侯名不正蒙亂

荒惑其子孫以弱亡也孝經中黃讖曰日載東紀火光不橫
一聖明聰四百之外易姓而王天下歸功致太平此魏王之
姓諱著見圖讖也易運期曰言居東西有午兩日並光日居
下其爲主及爲輔五八四十黃氣受真人出言午許字兩日
昌字漢當以許亡魏當以許昌今際會之期在許其大效也
易運期又曰鬼在山禾女連王天下何云當時天意人事已
成鼎足魏之代漢勢也何事紛紛牽合爲

注又曰初六履霜陰始凝也

困學紀聞云二語沙隨陳氏朱文公皆從之原注云郭京本
無初六字

注易姓之符代興之會以七百二十年爲一軌有德者遇之

何云過字宋本作過

注心慄手掉書不成字辭不宣口

何云掉疑作掉口字宋本作心

注非人力所能達也

遠一作建

注庶自免於常人之貴

貴當作責

注况吾託主人之末列

土一本作士古字通寫

注使公召約微子於共頭

公召當作召公

注以爲周之伐殷以恭也

恭乃暴之譌

注仁風扇鬼區

鬼區卽九區也古九鬼同字

注今月十七日己未宜成可受禪命

何云少章云宜當作直直成見三少帝紀此證據之顯然者
案王莽傳以戊辰直定卽天子位師古曰以建除之次其日
當定直成之義亦猶是耳

注辛酉給事中博士蘇林董巴上表曰

宋書百官志引董巴漢書巴又有大漢輿服志一卷隋書禮
儀志多引之

注歲星行厤十二次國

宋書符瑞志國上有所在二字

注歲之所在卽我有周之分野也

宋書符瑞志卽作則

注詩推度災曰庚者更也子者滋也聖命天下治

宋書符瑞志作聖人制法天下治

注魏以改制天下

宋書符瑞志改作政

注始魏以十月受禪

始字當依宋志衍

注於行運會於堯舜授受之次

宋書符瑞志會作合

注舜發端畝而君天下

宋書符瑞志君作居

注不替漏

宋書符瑞志作不稽漏刻

注天下不可一日無君也

天下之上當依宋書符瑞志增明字

注奉今月戊戌璽書

當作壬戌

注考功無推讓矣

何云無下有脫字

注珍祥瑞物雜沓於其間者無不畢備

御覽卷八百十四九百九及九百三十一引魏略曰文帝受禪野蠶成絲九尾狐見於譙都神龜出於靈芝池宋符瑞志曰延康元年麒麟十見郡國延康元年四月丁巳繞安縣言白虎見又郡國二十七言白虎見黃初元年郡國十九言白鹿及白麋見魏文帝初郡國三十七言甘露降郡國二言醴泉出黃初元年郡國三言嘉禾生郡國二言木連理朱草生文昌殿側黃初中郡國十九言白兔見魏文帝初郡國十九言白雀白鳩見鑊中生赤魚劉述魏都賦注曰延康元年芝草生於樂平郡黃初元年十一月黃龍高四五丈出雲中張口正赤澤馬見於上黨郡瑞石靈圖出於張掖之柳谷延康

元年三足鳥見於郡國

注仰稽天命

仰一本作久

注朕守空名以蘊古義顧視前事猶有慙德

何云四語卻爲迫脅篡奪之寶錄

注今遣守尚書令侍中顓喻王

顓當作覬衛覬傳云稍遷尚書魏國旣建拜侍中文帝卽王位徙爲尚書頃之還漢朝爲侍郎勸贊禪代之義爲文誥之詔此爲伯儒無疑也

乃爲壇於繁陽

水經潁水注繁昌故縣曲蠡之繁陽亭也魏書國志曰文帝

以漢獻帝延康元年行至曲蠡登禪於是地改元黃初其年
以潁陰之繁陽亭爲繁昌縣城內有三臺時人謂之繁昌臺
壇前有二碑文帝受禪於此故其石銘曰遂於繁昌築靈壇
也於後其碑六字生金論者以爲司馬金行故曹氏六世遷
魏而事晉也續郡國志注引帝王世記云文帝登禪於曲蠡
之繁陽亭爲縣曰繁昌今許之封內潁川繁昌是也北征記
曰城在許之南七十里東有臺高七丈方五十步臺南有壇
高二丈方三十步卽受終之壇也隋書禮儀志魏受漢禪設
壇於繁昌爲在行旅郊壇乃闕

事訖降壇視燎成禮而反

宋書禮志文帝成祀而返未有祖配之事

改延康爲黃初

宋書符瑞志有黃鳥銜丹書集於尙書臺於是改元爲黃初
注王綱不立

汲古王作三

黃初元年

梁虞荔鼎錄黃初元年鑄受禪鼎其文曰受作鼎小篆書

以河內之山陽邑萬戶奉漢帝爲山陽公

後漢書獻帝紀都山陽之濁鹿城注云濁鹿一名濁城亦名
清陽城在今懷州修武縣東北寰宇記卷五十三城周迴十

五里

行漢正朔

宋書禮志黃初元年詔曰孔子稱行夏之時乘殷之輅服周之冕樂則韶舞此聖人集羣代之美事爲後王制法也傳曰夏數爲得天朕承唐虞之美至於正朔當依虞夏故事若殊微號異器械制禮樂易服色用牲幣自當隨土德之數每四時之季月服黃十八日臘以丑牲用曰其飾節旄自當赤但節幡黃耳其餘郊祀天地朝會四時之服宜如漢制宗廟所服一如周禮尙書令桓楷等奏據三正周復之義國家承漢氏人正之後當受之以地正犧牲宜用白今從漢十三月正則犧牲不得獨改今新建皇統宜稽古典先代以從天命而告朔犧牲壹皆不改非所以明革命之義也詔曰服色如所奏其餘宜如虞承唐但臘日用丑耳此亦聖人之制也又晉

晉書律曆志魏文帝黃初中太史令高堂隆復詳議曆數更
有改革太史丞韓翊以爲乾象減斗分太過後當先天造黃
初曆以四千八百八十三爲紀法千二百五十爲斗分其後
尚書令陳羣奏以爲曆數難明前代通儒多共紛爭黃初之
元以四分曆久遠疏闊大魏受命宜改曆明時韓翊首建猶
恐不審故以乾象互相參校其所校日月行度弦望朔晦曆
三年更相是非無時而決案三公議皆綜盡典禮殊塗同歸
欲使效之璿璣各盡其法一年之間得失足定奏可

注以天子之禮郊祭

宋書樂志散騎常侍王肅議曰王者各以其禮制事天地今
說者據周官單文爲經國大體懼其局而不知其弘也漢武

帝東巡封禪還祠太乙於甘泉祭后土於汾陰皆盡用其樂
言盡用者爲盡用宮縣之樂也天地之性貴質者蓋謂其器
之不文爾不謂庶物當復滅之也禮天子宮懸舞八佾今祀
圜丘方澤宜以天子制設宮縣之樂八佾之舞衛臻繆襲左
延年等咸同肅議又宋書禮志漢明帝據月令有五郊迎氣
服色之禮因采元始中故事兆五郊於洛陽祭其帝與神車
服各順方色魏晉依之

改相國爲司徒御史大夫爲司空

晉職官志太尉司徒司空古官也自漢麻魏置以爲三公
更授匈奴南單于呼廁泉魏聖綏

寰宇記卷四十二離石縣後漢末荒廢爲南單于庭左國城

是此地黃初三年復置

賜青蓋車乘輿寶劍玉玦

續輿服志皇太子皇子皆安車朱班輪青蓋金華蚤黑據文
畫轎文朝金塗五末皇子爲王錫以乘之故曰王青蓋車宋
書禮志漢制自天子至於百官無不佩刀司馬彪志具有其
制雋不疑云劒者君子武備張衡東京賦紓黃組腰干將然
則自人君至士人又帶劒也自晉代以來始以木劒代刃劒
續輿服志佩刀乘輿黃金通身貂錯半鯀魚鱗金漆錯雌黃
室五色罽隱室華諸侯王黃金錯環挾半鯀黑室莊曰自天
子至於庶人咸皆帶劒劒之與刀形制不同名稱各異故蕭
何劒履上殿不稱爲刀而此志言不及劒知爲未備又漢明

帝爲大佩銜牙雙瑀璜皆以白玉乘輿落以白珠公卿諸侯
以采絲一清案魏文賜呼廄泉青蓋車則諸王之乘也乘輿
寶効玉玦則逼近天子之制也蓋卽位之初以此寵異招徠
之耳

是歲長水校尉戴陵諫不宜數行弋獵帝大怒陵減死罪一等
漢書百官公卿表長水校尉掌長水宣曲胡騎秩三千石續
百官志比二千石本注曰掌宿衛兵注引韋昭曰廢近長水
故以爲名宋書禮志獵車一名蹻猪車魏文帝改曰蹻虎車
續與服志蹻作闊一清案戴陵明帝時與張邵等拒諸葛孔
明於上却見蜀志孔明傳注

二年春正月郊祀天地明堂

續祭祀志注魏氏繆襲議曰漢有雲翹育命之舞不知所出
舊以祀天今可兼以雲翹祀圜丘兼以育命祀方澤宋禮志
時魏都洛京而神祇兆域明堂靈臺皆因漢舊事

甲戌校獵至原陵

後漢書明帝紀葬光武皇帝於原陵注引帝王世記曰原陵
方三百二十步高六丈在臨平亭東南去洛陽十五里

乙亥朝日於東郊

續禮儀志注魏文帝詔曰漢氏不拜日於東郊而旦夕常於
殿下東面拜日煩亵似家人之事非事天交神之道也於是
朝日東門之外將祭必先夕牲其儀如郊一清案宋書禮志
云禮天子以春分朝日於東秋分夕月於西今正月非其時

也晉書禮志亦言正月祀朝日達禮二分之義明帝太和元年二月祀朝日八月祀夕月始得古禮

改許縣爲許昌縣以魏郡東部爲陽平郡西部爲廣平郡

水經洧水注春秋佐助期曰漢以許昌失天下及魏承漢麻遂改名許昌也晉書地理志漢獻帝都許魏禪徙都洛陽許宮室武庫存焉改爲許昌又晉志陽平郡治元城縣廣平郡治廣平縣魏書地形志魏廣平郡治曲梁城

注魏略曰改長安謙許昌鄭洛陽爲五都立石表西界宜陽北循太行東北界陽平南循魯陽東界鄆爲中都之地

續郡國志弘農郡宜陽河內郡野王有太行山南陽郡魯陽東海郡鄆袁紹傳陽平亭去鄆十七里水經濁漳水注魏因

漢祚復都洛陽以誰爲先人本國許昌爲漢之所居長安爲西京遺迹鄭爲王業之本基故號五都也

其以議郎孔羨爲宗聖矣

後漢書儒林孔億傳注魏封孔子二十一葉孫孔羨爲崇聖侯

置百戶吏卒以守衛之

何云百戶吏卒是守衛之人與桓帝永興元年魯相乙瑛碑置孔子廟百石卒史不同彼以孔子孫爲之

春三月

春字羨文

注魏書甲辰以京師宗廟未成帝親祠武皇帝於建始殿

宋書禮志何承天云禮將營宮室宗廟爲先庶人無廟故祭於寢帝者行之非禮甚矣

後有天地之眚勿復劾三公

何云自此遂無水旱劾三公之事然變理之意微矣

冬十月授楊虎光祿大夫

漢書百官公卿表光祿大夫秩比二千石晉職官志光祿大夫加金章紫綬者品秩第二又假銀章青綬者品秩第三位在金紫將軍下諸卿上魏氏已來轉復優重不復以爲使命之官其諸公告老者皆家拜此位及在朝顯職復用加之注昔孔光卓茂皆以淑德高年受茲嘉賜

何云宋本賜作錫

注公故漢宰臣乃祖已來世著名節

後漢書楊彪傳注引續漢書節作績

注謁請之日

後漢書注謁作延宋書禮志同

注討破叛胡治元多盧水封賞等

張既傳涼州盧水胡伊健妓妾治元多等反河西大擾然則女賊也方輿紀要卷六十三沮渠川在甘州衛東南或曰卽盧水北史沮渠蒙遜世居張掖臨松盧水卽此川矣

注帝初聞胡汎水灌顯美

方輿紀要卷六十三顯美城在涼州衛西北漢縣屬張掖郡

後漢改屬武威

注昔隗囂灌洛陽而光武因其疲弊

洛陽當作略陽以後漢書校改

己卯以大將軍曹仁爲大司馬

晉書職官志大司馬古官也漢制以冠大將軍驃騎車騎之上以代太尉之職故後與太尉迭置不並列及魏有太尉而大司馬大將軍各自爲官位在三司上宋書百官志光武建武二十七年省大司馬以太尉代之魏黃初二年復置大司馬以曹仁居之而太尉如故

是歲築陵雲臺

世說陵雲臺樓觀精巧先稱平眾木輕重然後造構乃無鋟銛相負揭臺雖高峻常隨風搖動而終無傾倒之理魏明帝

登臺懼其勢危別以大材扶持之棟卽頽壞論者謂輕重力偏故也注引洛陽宮殿簿曰陵雲臺上壁方十三丈高九尺樓方四丈高五尺棟去地十三丈五尺七寸五分也寰宇記卷三引陸機洛陽記云臨商陵雲等八觀在宮之西唯絕頂一觀在東是號曰九觀

三年

博物志黃初三年武都西部都尉王褒獻石膽二十斤四年獻三十斤

春正月

宋書禮志魏國初建事多兼闕故黃初三年始奉璧朝賀何承天云魏元會儀無存者何楨許都賦曰元正大饗壇彼西

南旗幕峩峩宇宏深王沈正會賦曰華屋映於飛雲朱幕
張於前庭綰青帷於兩階象紫極之崢嶸延百辟於和門等
尊卑而奉璋此則大饗恐在城外不在宮內也案魏司空王
朗奏事曰故事正月朔賀殿設兩百華燈對於二階之間
端門設庭燎火炬端門外設五尺三尺燈月照星明雖夜猶
晝矣如此不在城外也何王二賦本不在京洛何云許都賦
時在許昌王賦又云朝四國於東巡亦賦許昌正會也一清
案許昌朝正事見鍾毓傳

丙寅朔日有蝕之

何云日蝕正朝應在昭烈伐吳喪敗

其令郡國所選勿拘老幼儒通經術吏達文法到皆試用有司

糾故不以實者

何云左雄限年之法至此復變欲以誘致銳進之士壹志事已也

是後西域遂遼置戊己校尉

晉書地理志獻帝時涼州數有亂河西五郡去州隔遠於是乃別以爲雍州魏時復分以爲涼州刺史領戊己校尉護西域如漢故事

甲午行幸襄邑

續郡國志陳留郡襄邑

閏月孫權破劉備於夷陵

續郡國志南郡夷陵

使尚書杜畿持節開倉廩以振之

宋書百官志前漢遣使始有持節晉世使持節爲上持節次之假節爲下使持節得殺二千石以下持節殺無官位人若軍事得與使持節同假節惟軍事得殺犯軍令者

冬十月甲子表首陽山東爲壽陵

方輿紀要卷四十八首陽山在河南府城東北

注呂氏春秋堯葬於穀林通樹之舜葬於紀市塵不變其肆禹葬曾稽不變人徒

續郡國志濟陰郡成陽有堯冢靈臺水經鄒子水注引世紀曰成陽西北四十里是爲穀林因學紀間云蒼梧山在海州界近古之紀九域志海州東海縣有蒼梧山山海經都州在

海中一曰郁州郭璞注在東海朐縣界世傳此山自蒼梧徙來續郡國志會稽郡山陰會稽山在南上有禹冢禹井其以此詔藏之宗廟副在尚書祕書三府

隋書經籍志有魏朝雜詔二卷魏吳詔二卷梁有三國詔誥十卷皆是別行之書

帝自許昌南征諸軍兵並進

晉書天文志黃初三年九月甲辰客星見太微左掖門內占曰客星出太微國有兵喪十月帝南征孫權是後累有征役是歲穿鑿芝池

水經注穀水又東厔故金市南直流入石迺伏流注靈芝九龍池洛城西門曰千秋

築南巡臺於宛

水經淯水注宛城西三里有古臺高五尺餘黃初中南巡所築也

癸卯月犯心中央大星

晉書天文志占曰心爲天王位王者惡之何云四月癸巳漢昭烈帝崩

是月大疫

宋書五行志宛許大疫死者數萬

詔曰此詩人所謂汚澤也曹詩刺恭公遠君子而近小人

困學紀聞引葉氏云漢世文章未有引詩序者黃初四年詔曹詩刺遠君子近小人蓋詩序至此始行全謝山云是時始

立學官故也

注魏書曰辛酉有司奏造二廟立太皇帝廟大長秋特進侯與高祖合祭親盡以次毀特立武皇帝廟四時享祀爲魏大祖萬載不毀也

宋書禮志並在鄴二廟所祀則文帝之高祖處士曾祖高皇祖大皇帝共一廟考太祖武皇帝特一廟百世不毀然則所祀止於親廟四室也

大曰書見

晉書天文志太白經天則晝見其占爲兵喪爲不臣爲更王強國弱小國強是時孫權受魏爵號而稱兵拒守

是月大霖伊洛溢流殺人民壞廬宅

水經伊水注伊闢左壁有石銘云黃初四年六月二十四日
辛巳大出水舉高四丈五尺齊此以下蓋記水之漲滅也晉
書五行志黃初四年六月大雨霖伊洛溢至津陽城門漂數
千家殺人初帝卽位自鄴遷洛營造宮室而不起宗廟太祖
神主猶在鄴嘗於建始殿饗祭如家人之禮終黃初不復還
鄴而郊社神位未有定所此其罰也又晉傅祗傳爲樂陽太
守自魏黃初大水之後河濱汎溢鄧艾嘗著濟河論開石門
而通之至是復浸壞乃造沉萊堰至今充豫無水患百姓爲
立碑頌焉又傅玄傳魏初未留意於水事先帝統百揆分河
隄爲四部并本凡五謁者以水功至大與農事並興非一人
所周故也晉書職官志云漢東京置河隄謁者魏因之

注魏書曰十月乙未

十月晉書禮志上作七月是

注雲翻舞曰鳳翔舞

宋書樂志作雲翹

注文昭舞曰大昭舞

齊書樂志

注魏書曰十二月丙寅

晉書天文志黃初四年十二月景子月犯心大星

注公女曼爲長樂郡公主

長樂郡亦是虛封

夏四月立太學制五經課試之法

汝疑要注黃初五年立太學於洛陽時慕學者始詣太學爲門人滿二歲試通一經者稱弟子不通一經罷遣弟子滿二歲通二經者補文學掌故滿三歲試通三經者擢高第爲太子舍人舍人滿二歲試通四經者擢其高第爲郎中郎滿二歲能通五經者擢高第隨才敘用每試不通者各隨後輩復試試通如前補用

八月爲水軍親御龍舟循蔡潁浮淮幸壽春揚州界

漢書地理志南陽郡蔡陽應劭曰蔡水所出東入淮潁川郡陽城陽乾山潁水所出東至下蔡入淮九江郡壽春方輿紀要卷二十一潁水在壽州西北四十里其入淮處謂之潁尾亦曰潁口魏主不蓋自潁口入淮也

九月遂至廣陵

水經泗水注東南逕魏陽城北城枕泗川陸機行思賦曰行
魏陽之枉渚故無魏陽疑卽泗陽縣故城蓋魏文帝幸廣陵
所由或因變之未詳也寰宇記卷十七泗陽故城在宿遷縣
東南八里魏陽故地蓋因魏文帝幸廣陵改名又卷百二十一
六合肥縣有藏舟浦魏帝與孫權藏艦於此方輿紀要卷二
十三龍舟堰在揚州府南二十里十道志魏文帝臨江試龍
舟於此因名何云記辛巳十二月小除夜安漢先生語次偶
及施靖海昔破夏門皆用八槳小舟繫水如飛與波上下不
畏風浪又可直迫敵壘無阻滯之患以爲黃蓋之燒北兵有
類於此而子桓爲龍舟不得入江而還乃不習舟棹不知制

變者也一舟並持槳者十六人千舟俱濟則萬六千人矣出其不意奮力斫敵亦足摧破大眾也

冬十月乙卯太白晝見行還許昌宮

晉書天文志十月乙卯歲星入太微逆行積百四十九日乃出占曰五星入太微從右入三十日以上人主有大憂一日有赦至七年五月文帝崩明帝卽位

是歲穿天淵地

水經穀水注其水東注天淵池池中有魏文帝九華臺殿基悉是洛中故碑累之池南直魏文帝茅茨堂前有茅茨碑是黃初中所立也其水自天淵池東出華林園一清案羊之洛陽伽藍記以茅茨碑爲明帝所立又宋書禮志魏明帝天淵

池南設流杯石溝燕羣臣

六年春

晉書五行志正月雨木冰

注其以尚書令潁鄉侯陳羣爲鎮軍大將軍尚書僕射西鄉侯司馬懿爲撫軍大將軍

宋書百官志中鎮撫三號比四鎮一清案下云給中軍兵騎六百人蓋初設此號以中軍將之兵給之也時曹真爲中軍大將軍

注皆假節鼓吹

宋書樂志鼓吹蓋短簫鐃哥蔡邕曰軍樂也黃帝岐伯所作以揚德建武勸士諷敵也周官曰師有功則愷樂左傳曰晉

文公勝楚振旅凱而入司馬法曰得意則愷樂愷哥雍門周說孟嘗君鼓吹於不測之淵說者云鼓自一物吹自竽簫之屬非簫鼓合奏別爲一樂之名也然則短簫鐃哥此時未名鼓吹矣應劭漢鹵簿圖惟有騎執鼗鼓卽笳不云鼓吹而漢世有黃門鼓吹漢享宴食舉樂十三曲與魏世鼓吹長簫同長簫短簫伎錄並云絲竹合作執節者哥又建初錄云務成黃爵元雲遠期皆騎吹曲非鼓吹曲此則列於殿庭者爲鼓吹今之從行鼓吹爲騎吹二曲異也又孫權觀魏武軍作鼓蓋鼓吹斯則其時謂之鼓吹矣魏晉世給鼓吹甚輕牙門督將五校悉有鼓吹

三月行幸召陸通討虜渠

陸當作陵續郡國志汝南郡召陵方輿紀要卷四十七討虜渠在許州郾城縣東五十里通渠謀伐吳也

五月戊申幸譙

水經陰溝水注澠水又北經老子廟東廟北有雙石闕甚整
頓石闕南側魏文帝黃初三年逕譙所勒寰宇記卷十二老
子宮前有闕各高一丈七尺魏黃初三年文帝所立其闕有
銘是鍾繇書皆破缺惟四字存焉

壬戌熒惑入太微

晉書天文志壬戌熒惑入太微至壬申與歲星相及俱犯右
執法至癸酉乃出占曰從右入三十日以上人主有大憂又

日月五星犯左右執法大臣有憂一曰執法者誅金火尤甚
十一月皇子東武陽王鑿薨七年正月驃騎大將軍曹洪免
爲庶人四月征南大將軍夏侯尚薨五月帝崩

遼屯騎校尉任福步兵校尉段昭

續百官志屯騎校尉一人步兵校尉一人比二千石本注曰
掌宿衛兵福昭蓋將禁旅以往也

八月帝遂以舟師自譙循渦入淮

方輿紀要卷二十一渦水在鳳陽府懷遠縣東北一里班固
曰淮陽國扶溝縣有渦水首受狼湯渠東至向入淮水經陰
溝水出河南陽武縣蕩渠東南至沛爲渦水渦水東逕譙都
又東南至下邳睢陵縣入淮是渦水爲汴河之支流也廣志

今渦河自歸德府鹿邑縣境流入亳州界黃河從西北來注之經亳城北與馬尚河合東南流經蒙城縣而入縣界至縣東人淮謂之渦口今黃河橫沖渦口上源幾不可問矣渦口城在懷遠縣東北十五里今譌爲蕪城

冬十月行幸廣陵故城

方輿紀要卷二十三廣陵城在揚州府城東北後漢爲廣陵郡治三國移治淮陰而以故城爲邊邑後入於吳

臨江觀兵戎卒十餘萬旌旗數百里

晉書天文志乙未有星孛於少微厯軒轅占爲兵喪除舊布新之象時帝軍廣陵辛丑親御甲胄觀兵明年五月帝崩注魏書載帝於馬上爲詩曰

方輿紀要城子山在揚州府儀真縣北六里山形如城魏文帝築樂遊臺立馬賦詩於此文選又有魏文雜詩云西北有浮雲亭亭如車蓋惜哉時不遇適與飄風會吹我東南行行至吳會吳會非我鄉安能久畱滯棄置勿復陳客子常畏人其心怯於吳人如此

遣使以太牢祀故漢太尉橋玄

曹氏再世祀橋公

七年春正月

晉書禮志黃初七年正月命中宮齋於北郊依周典也

三月築九華臺

宋書后妃傳贊云漢氏昭陽之輪奐魏室九華之昭耀則九

華臺亦內宮遊幸處也

帝疾篤召中軍大將軍曹真鎮軍大將軍陳羣征東大將軍曹休

宋書百官志魚豢曰四征魏武所置秩二千石黃初中位次三公漢舊諸征與偏裨雜號同一清案漢時已有征東征南征西之號是不始於魏武或至魏始備四征之號故魚豢曰鎮北魏黃初太平中置是其例也又案晉書宣帝紀云於崇華殿之南堂並受顧命輔政其時有陳羣曹真無曹休且詔太子曰有聞此三公者慎勿疑之則非四人可知卽曹休傳亦無受遺輔政之事

六月戊寅葬首陽陵

晉書禮志漢魏故事將葬吉凶鹵簿皆有鼓吹大喪及羣臣之喪執繢者挽歌寰宇記卷五魏文帝陵在河南偃師縣首陽山南辭收元經傳漢故事陵上立祭殿至魏制以爲古不墓祭自有廟設於是圓陵寢殿遂廢

注魏書春秋曰

書當作氏

注百姓吁嗟萬國悲悼

悼當作傷

注若喪考妣思過慕唐

過字當在慕下

注祥惟聖質

何云藝文類聚祥作詳

注潛心無罔

藝文類聚罔作內

注抗志青冥

青冥藝文類聚作高明

注才秀藻朗

藻朗藝文類聚作略見

注聽察無衢瞻覩未形

藝文類聚衢作響瞻作視

注爵公無私

公私二字藝文類聚作功重

注宅土之表

藝文類聚作宅土之中下有率民以漸四字此謂都洛陽

注六合是虞齊契共遵

是虞藝文類聚作動同導作檢

注下以純民

藝文類聚作導下以純民由樸儉

注恢拓規矩

藝文類聚拓作折

注黃根金屋

一本作金根黃屋

注屬之若神

藝文類聚瞻作瞻

注朱旗所剿九壤被震

藝文類聚被作披

注虜僥凶微

何云徹疑作轍

注士若涸魚

士一作權

注上靈降瑞黃初叔祐

何云叔疑作攸一清案當作攸

注疏狄遐康

狄逖古通

注在位七載元功仍舉

藝文類聚元作九

注嗟嗟皇窮胡寧忍務

藝文類聚務作子

注明監吉凶體逮存亡

藝文類聚逮作達

注擬迹穀林追堯慕唐

藝文類聚慕作纂

注合山同陵

藝文類聚陵作阪

注悼晏駕之既疾兮

疾一作修子建集作往汲古作隱

注追顧景而憐形

藝文類聚追作迫

初帝好文學以著述爲務自所勒成垂百篇

隋書經籍志魏文帝集十卷梁二十三卷又列異傳三卷魏文帝誣

注生有七尺之形死唯一棺之土

何云宋本棺作植

注常嘉漢文帝之爲君寬仁立默務欲以德化民有賢聖之風水經渭水注華山下有漢文帝廟廟有數碑一碑是建安中立漢鎮遠將軍段熲更修祠堂碑文漢給事黃門侍郎張景

造景自書之魏文帝又刊其碑陰二十餘字二書有重名於
海內又刊侍中司隸校尉鍾繇宏農大守田丘儼姓名

注典論帝自敘曰

何云觀其自敘所謂望之不似人君不堪張子布見況立石
太學邪

注以還相吞滅

滅一作併

注嘗與平虜將軍劉勳奮威將軍鄧展等共飲

漢書敘傳鄧展南陽人魏建安中爲奮威將軍封高樂鄉侯

注對家不知所出先曰

何云宋本先作告

宿松羅忠濟初校

夥縣黃士陵覆校

陽湖吳翊賓再覆校

三國志注補卷二十一